

HOËRSKOOL



VREDENDAL

Posbus 185
VREDENDAL
8160
Tel: 027 213 1050
Faks: 027 213 1050

Grensstraat 8
VREDENDAL
8160
admin@hsvdal.co.za
skoolhoof@hsvdal.co.za

17 Februarie 2023

Uit die kantoor

Ons wil net weer die volgende aspek rakende die afwesigheid van leerders onder ons ouers en leerders se aandag bring:

1. Akademie

- 2.1 In gevalle waar leerders afwesig is, is dit die leerders se plig om huiswerk en enige agterstallige werk wat tydens die afwesigheid behandel is, in te haal.
- 2.2 In gevalle waar toetse, deurlopende assessoringsstake en/of eksamens gemis word gevra afwesigheid, moet 'n mediese sertifikaat ingehandig word, andersins sal sodanige leerder die verkryging van 'n punt vir deurlopende evaluering verbeur. Hierdie mediese sertifikaat is belangrik aangesien dit saam met die leerder se punte aan die WKOD voorgelê word.

2. Buitekurrikulêre bedrywighede

Waar 'n leerder weens siekte die voorafgaande dag, of dieoggend van die aangeleentheid, afwesig is, of uit die skool geneem word weens siekte vir die laaste gedeelte van die dag, mag so 'n leerder nie aan enige buitekurrikulêre bedrywighede, insluitend oefensessies, deelneem nie. Hierdie is in die belang van die leerder se gesondheid. Die skoolhoof behou hom egter die reg voor om leerders wat aan kultuurbedrywighede deelneem, op meriete te hanteer.

Krieket

Op 9 Februarie speel die o/19B-krieketspan teen Hoërskool Lutzville se o/19B-span.

Ons verloor die loot en Lutzville kolf eerste. Na 19 boulbeurte was almal uit vir 56 lopies.

Vredendal wen met 1 paaltjie in die laaste boulbeurt. Hulle moes een lopie aanteken met die laaste bal van die wedstryd.

Speler van die wedstryd was Sebastian Nel. 24 lopies aangeteken en 3 paaltjies geneem.

Geluk met die wen, manne.



Op 9 Februarie speel ons eerste krieketspan weg teen Hoërskool Calvinia. Ons wen die loot, kolf eerste en teken 103 lopies aan na 20 boulbeurte.

Calvinia teken 48 lopies aan almal uit in die 11de boulbeurt. Kolwer en bouler van die wedstryd was Johannes van Zyl. Hy neem 4 paaltjies.

Baie geluk met die wen!



Op 15 Februarie speel ons eerste krieketspan tuis teen Clanwilliam Senior Sekondêr. Ons wen die loot, kolf eerste en teken na 20 beurte 153 lopies aan. CSS kolf en behaal 65 lopies en word uitgeboul in die 19 de beurt. Ons wen dus die wedstryd met 88 lopies.

Johannes en Christiaan van Zyl het 'n 83 lopies-vennootskap aan die gang gehou. Johannes is aangewys as kolwer van die wedstryd met 55 lopies. Bouler van die wedstryd was Juan-Lee le Roux met 3 paaltjies.

Alle sterkte met die finaal teen Augsburg op 23 Februarie.



Skaak

Die volgende leerders het op Saterdag, 11 Februarie aan die Bo-Weskusskaaktoernooi deelgeneem:

Albertus Huisman

Liam Drennen

Tyrone Smith

Daniël Koegelenberg - Brons o/17

Louw Koegelenberg

Harold Meyer

Mea van Zyl - Goud o/15

Angelique Klaase - Goud o/17

Legene Maletta - Goud o/19





Tennis

Ons derde/vierdespanne seuns en dogters het Woensdag teen Lutzville gaan speel. Beide spanne het verloor , die dogters 6 - 0 en die seuns 4 - 2. Ter verskoning vir die dogters moet tog gesê word dat hulle teen 'n ietwat ander span moes speel as die eerste keer. Dit was tog verblydend om te sien dat die wedstrydblootstelling alreeds 'n verbetering van hulle tennis meegebring het.

Ons wil ook vir SPAR bedank vir die trollie wat hulle aan die skool geskenk het. Dit maak die afrigting beslis makliker.



Atletiek

Anja Coetzee en Jandré Esterhuyse neem mōre, 18 Februarie aan 'n ASA-atletiekbyeenkoms te Stellenbosch deel. Baie sterkte!

Op Dinsdag, 14 Februaiie het die jaarlikse Driehoekbyeenkoms te Augsburg Landbou-gimnasium plaasgevind. Volledige berig sal volg.